



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav 1. Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU NARODNE STRANKE RADOM ZA BOLJITAK

Broj: 03-07-6-113/10
Sarajevo, 24. januar 2011. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Narodne stranke Radom za boljitak za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Narodna stranka Radom za boljitak prekršila je odredbe člana 6. i člana 8. stav (1) Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Narodne stranke Radom za boljitak za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna stranka Radom za boljitak ostvarila je prihode u ukupnom iznosu 973.451,26 KM, što se vidi iz sljedeće tabele:

Red. br.	Vrsta prihoda	Iznos u KM	Učešće u Uk.prih. %
1	Članarina	10.667,00	1,10%
2	Prilozi fizičkih lica	436.631,01	44,85%
3	Prilozi pravnih lica	0,00	0,00%
4	Prihodi od imovine	63,39	0,01%
5	Prihodi od pr.lica	0,00	0,00%
6	Prihodi od poklona	35.121,00	3,61%
7	Prihodi iz budžeta	490.968,65	50,44%
	Ukupni prihodi:	973.451,05	100,00%

Prema podacima iz godišnjeg finansijskog izvještaja Narodna stranka Radom za boljitak ostvarila je rashode u ukupnom iznosu 569.169,77 KM.

2. PREDSTAVLJANJE POLITIČKE STRANKE

Naziv političke stranke: Narodna stranka Radom za boljitak. Skraćeni naziv stranke je Za boljitak.

Politička stranka je registrovana 28.06.2005. godine u Kantonalnom sudu u Sarajevu, pod brojem: R30/01; R-I-8/04; R-I-5/05.

Sjedište političke stranke je u Sarajevu, Kranjčevićeva br. 41.

Lice ovlašteno za zastupanje stranke je Mladen Ivanković-Lijanović, predsjednik stranke.

Lice ovlašteno za podnošenje finansijskih izvještaja za 2009. godinu je Ivan Pandža.

Prema podacima koje je Narodna stranka Radom za boljitak navela u godišnjem finansijskom izvještaju za 2009. godinu, organizacionu strukturu stranke čine:

- Središnji ured,
- 1 gradski odbor
- 1 odbor Brčko Distrikta
- 10 kantonalnih odbora
- 6 regionalnih odbora i
- 121 općinski odbor.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodne stranke Radom za boljitak za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Narodna stranka Radom za boljitak u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Narodne stranke Radom za boljitak obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja Narodne stranke Radom za boljitak za 2005. i 2006. godinu i izdat izvještaj o pregledu sa mišljenjem revizora, nalazima i preporukama revizije.

Za 2007. i 2008. godinu izvršena je revizija godišnjeg finansijskog izvještaja i izdat je izvještaj o reviziji sa mišljenjem revizora, nalazima i preporukama da stranka treba da postupa u skladu sa odredbama člana 3. stav (1), člana 6. i člana 11. stav (1) i stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

- a) **Na osnovu obavljenog pregleda i kontrole godišnjeg finansijskog izvještaja utvrđeno je da je Narodna stranka Radom za boljitak prekršila odredbe člana 6. Zakona o finansiranju političkih stranaka¹.**

U godišnjem finansijskom izvještaju stranka nije prijavila priloge 7 (sedam) fizičkih lica u ukupnom iznosu od 12.331,52 KM. Uporedbom podataka iz finansijskog izvještaja koji je Narodna stranka Radom za boljitak dostavila Centralnoj izbornoj komisiji BiH sa podacima iz baze podataka Agencije za identifikacione dokumente, evidenciju i razmjenu podataka, utvrđeno je da 7 fizičkih lica navedenih u Obrascu 3-a (Prilozi fizičkih osoba veći od 100 KM) nisu stvarni donatori. Naime, kontrolom imena i prezimena, te JMBG koje je stranka prijavila kao donatore, utvrđeno je da se isti ne nalaze u navedenoj bazi podataka.

- b) **Na osnovu obavljenog pregleda i kontrole godišnjeg finansijskog izvještaja utvrđeno je da je Narodna stranka Radom za boljitak prekršila odredbe člana 8. stav (1) Zakona o finansiranju političkih stranaka².**

¹ Ako ukupni iznos priloga jednog lica iz stava 1. člana 4. Premašuje 100,00 KM, ta uplata se mora unijeti u finansijski izvještaj u skladu sa članom 11.

- Općinski odbor Narodne stranke Radom za boljitak Ilijaš je na osnovu ugovora o davanju na korištenje poslovnih prostorija broj: 04/3-14-1043/09 od 09.09.2009. godine, koristio bez naknade poslovni prostor površine 14,40 m² u vlasništvu Općine Ilijaš. Prema odluci o načinu i visini plaćanja zakupnine poslovnih prostora na području Općine Ilijaš broj: 01-I-02-189/00 od 17.02.2000. godine („Službene novine Kantona Sarajevo“, broj 2/00), najniži iznos zakupnine u I zoni Općine Ilijaš iznosi 12,00 KM po m². Na bazi navedene odluke, utvrđeno je da je Narodna stranka Radom za boljitak usljed neplaćanja zakupnine ostvarila prilog u iznosu od 639,36 KM.
- Općinski odbor Narodne stranke Radom za boljitak Ilidža je na osnovu Ugovora o zakupu poslovne prostorije broj: 05-23-2115/09 od 07.10.2009. godine, koristio poslovni prostor površine 13,00 m², po cijeni koja je ugovorena u iznosu od 2,00 KM po m², odnosno 10% od početne cijene zakupa po m² koja iznosi 20,00 KM za extra zonu u kojoj se nalazi navedeni poslovni prostor. Korištenjem poslovnog prostora u periodu od oktobra do decembra 2009. godine, po cijeni koja je ispod početne, Narodna stranka Radom za boljitak je ostvarila prilog Općine Ilidža u iznosu od 821,34 KM.
Pored navedenog, stranka nije imala obavezu da plaća troškove električne energije, vode, centralnog grijanja, naknade za odvoz smeća i naknade za redovno održavanje zajedničkih dijelova zgrade i upravljanja zgradom.
- Općinski odbor Narodne stranke Radom za boljitak Tuzla je na osnovu Ugovora o dodjeli na korištenje poslovnog prostora broj: 02-14-773 od 23.08.2006. godine, koristio bez naknade poslovni prostor površine 68,70 m². U skladu sa navedenim ugovorom stranka je obavezna plaćati pripadajući PDV za korištenje poslovnog prostora u iznosu od 93,43 KM. Na bazi navedenog utvrđeno je da je Narodna stranka Radom za boljitak usljed neplaćanja zakupnine ostvarila prilog u iznosu od 6.595,20 KM.
- Općinski odbor Narodne stranke Radom za boljitak Zavidovići je na osnovu Odluke o davanju saglasnosti na korištenje poslovne prostorije u vlasništvu općine Zavidovići broj: 01-23-5716/08 od 30.12.2008. godine, koristio poslovni prostor površine 22,87 m² bez naknade.
- Pored navedenih, poslovni prostor bez naknade koristio je i općinski odbor Narodne stranke Radom za boljitak Breza.

5.2. PREPORUKE

Preporučuje se Narodnoj stranci Radom za boljitak da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- ❖ ***da postupa u skladu sa odredbama člana 6. i člana 8. stav (1) Zakona o finansiranju političkih stranaka i to:***
- ❖ ***da svoje finansiranje svede u zakonom propisani okvir,***
- ❖ ***da u finansijskom izvještaju prijavljuje sve priloge fizičkih lica iznad 100 KM***
- ❖ ***da ne prima priloge koji su zabranjeni ovim zakonom***
- ❖ ***da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.***

² Državni, entitetski i kantonalni organi, organi općinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu finansirati političke stranke.

KOMENTAR:

U ostavljenom roku, Narodna stranka Radom za boljitak se aktom broj: ZB-11-00-032/10 od 20.12.2010. godine očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2009. godinu, koji je dostavljen stranci 30.11.2010. godine, te dala primjedbe na nalaze revizije u smislu člana 6. i člana 11. stav (1) i stav (3) Zakona o finansiranju političkih stranaka.

Služba za reviziju je razmotrila primjedbe koje je uložila Narodna stranka Radom za boljitak i uvažila dokaze koje je stranka dostavila uz očitovanje, a odnose se na iskazivanje troškova zakupnine za dva poslovna prostora, u smislu odredbi člana 11. stav (1) i stav (3) Zakona o finansiranju političkih stranaka.

Argumentovane primjedbe su ugrađene u Izvještaj o pregledu godišnjeg finansijskog izvještaja za 2009. godinu.

Mr.Hasida Gušić, šef Službe za reviziju

Nevenko Andan, revizor

Amela Batuša, pomoćnik revizora